



Pou Piblikasyon Imedya: 16/03/2023

GOUVÈNÈ KATHY HOCHUL

GOUVÈNÈ HOCHUL AK SÈVIS METEYO NASYONAL LA ANONSE YON SEMÈN SANSIBILIZASYON SOU INONDASYON NAN ETA NEW YORK

*Yo ankouraje Nouyòkè yo pou yo aprann sou danje inondasyon yo ak kijan pou
yo prepare pou yon ijans inondasyon*

Patenarya edike Nouyòkè yo pandan semèn 13 mas la

Gouvènè Kathy Hochul te deklare jodi a semèn 13 mas 2023 a kòm Semèn Sensibilizasyon sou Sekirite kont Inondasyon (Flood Safety Awareness Week) nan Eta New York. Kanpay anyèl la, ki fèt an patenarya ak Sèvis Meteyo Nasional la, edike Nouyòkè yo sou danje inondasyon yo ak fason pou prepare yo pou nenpòt ijans ki enplike inondasyon. Divizyon Sekirite Enteryè ak Sèvis Ijans Eta Nouyòk la travay ak patnè lokal, eta ak federal yo pandan tout ane a pou adrese pwoblèm ki enplike inondasyon, tankou rekiperasyon apre evènman ki sot pase yo, fòme premye sekouris yo, epi prepare Nouyòkè chak jou yo pou yo konprann risk yo epi konnen ki etap yo dwe pran lè gen yon inondasyon.

"Inondasyon se pi gwo menas ki gen rapò ak move tan Nouyòkè yo fè fas, epi Semèn Sansibilizasyon sou Sekirite kont Inondasyon an se yon gwo opòtinite pou aprann kisa pou w fè anvan, pandan ak apre yon evènman inondasyon", **Gouvènè Hochul te deklare.** "Eta New York genyen anpil mas dlo, tankou Great Lakes, St. Lawrence Seaway, Rivyè Hudson ak Mohawk, Finger Lakes, zòn kotyè yo, ak yon pakèt rivyè, lak ak kouran dlo -- tout sa yo se rezon pou Nouyòkè yo konprann danje inondasyon an ak fason pou yo prepare pi byen."

Risk inondasyon atravè Eta New York ak rès peyi a ap ogmante akòz chanjman klimatik la. Atmosfè k ap chofe a afekte move tan an nan plizyè fason, tankou pi gwo presipitasyon, tanpèt twopikal ak siklòn ki fèt pi souvan, ak pi wo nivo lanmè akòz ogmantasyon tanperati oseyan yo ak plak glas k ap fonn yo. Toupatou nan Etazini, inondasyon lakòz plizyè milya dola nan domaj epi li responsab prèske 100 lanmò chak ane. Gouvènè Hochul ap rejwenn DHSES ak NWS pou ankouraje tout Nouyòkè yo pou yo aprann konnen menas ki asosye ak inondasyon yo epi konnen aksyon yo ka pran kounye a pou pwoteje fanmi yo, biznis yo ak kominote yo kont inondasyon ak lòt ijans yo.

Direktè Sèvis Meteyo Nasyonal la, Ken Graham, te deklare, "Mwen te wè pèsonèlman kijan inondasyon yo kapab destriktif ak mòtèl. Kit w ap kondui oswa w ap mache, si w rive sou yon wout ki inonde, Vire, Pa Neye!"

Komisè Divizyon Sekirite Teritwa ak Sèvis pou Ijans Eta New York la, Jackie Bray, te deklare, "Nan sèlman kèk dènye ane yo, New York te konstate enpak devastatè inondasyon atravè eta a. Pran yon ti tan nan Semèn Sansibilizasyon sou Sekirite kont Inondasyon sa a pou w konprann risk ou yo. Chèche konnen si w ap viv nan yon zòn ki gen tandans sibi inondasyon epi aprann etap pou w pran pou anpeche inondasyon anvan li frape. Pou prepare yo pou ijans inondasyon yo, Nouyòkè yo ta dwe konstwi yon kit ekipman pou ijans epi devlope yon plan pou fanmi yo ak moun yo renmen yo si yo ta rankontre inondasyon."

Kòm inondasyon ka lakòz domaj ak blesi ak ti avètisman ak nan plizyè fason diferan, tankou blakawout, entèripsyen nan transpò ak sistèm transpò publik la, domaj nan biling, ak glisman tè katastwofik, li enpòtan pou tout Nouyòkè konprann gravite danje ke risk inondasyon yo poze epi kisa moun ak fanmi yo ka fè pou rete an sekirite nan yon ijans inondasyon.

Gouvènè Hochul ak Komisè Bray te ankouraje moun yo pou yo enskri pou alèt ijans gratis tankou avètisman kont move tan, fèmti wout, ak lòt enfòmasyon ijans nan <https://alert.ny.gov>.

Anba a se etap kle Nouyòkè yo ka pran anvan ak pandan yon inondasyon pou yo rete an sekirite:

- Konnen kalite risk inondasyon zòn ou an - vizite [Sant Sèvis Kat Inondasyon FEMA a.](#)
- Pa tann pou w planifye pou inondasyon! Yon ijans inondasyon ka pa janm rive ou men, si li rive, yon ti preparasyon davans ka sove lavi ou ak lavi lòt moun.
- Si w ap viv nan yon zòn ki gen tandans sibi inondasyon, dokimante afè w yo ak bagay ki gen valè yo. Kenbe dokiman enpòtan yo nan yon resipyen ki enpèmeyab. Kreye kopi dijital ki pwoteje ak modpas pou dokiman enpòtan, foto, ak lòt bagay yo.
- Jwenn kouvèti asirans pou inondasyon nan kad [Pwogram Asirans Inondasyon Nasyonal](#) (National Flood Insurance Program, NFIP) la. Politik pwopriyetè kay yo pa kouvri inondasyon.
- Si ofisyèl ijans yo konseye w pou pran aksyon imedya tankou evakyasyon, pa tann - swiv tout lòd yo san pèdi tan.
- Vwayaje pandan yon inondasyon kapab trè danjere. Yon pye dlo k ap deplase kapab pote yon machin ale. Pa janm mache, naje oswa kondwi nan dlo inondasyon yo. Si w gen dout, sonje: "Retounen, Pa Nwaye!"
- Konsidere moun ki gen aksè ak bezwen fonksyonèl pou detèmine si yo pare pou yon ijans inondasyon kote y ap viv ak travay.
- Devlope yon plan ijans ki gen ladann konsiderasyon pou pitit ou yo ak/oswa bèt lakay ou yo.

Pou jwenn plis enfòmasyon sou preparasyon ak konsèy sou sekirite nan men DHSES, vizite dhses.ny.gov/safety. Sit entènèt Sèvis Meteyo Nasyonal la gen ladan tou [Konsèy pou Sekirite nan ka Inondasyon](#) ak [Resous pou Sekirite nan Prentan](#).

Enfòmasyon sou Divizyon Sekirite Teritwa ak Sèvis pou Ijans

Divizyon Sekirite Teritwa ak Sèvis pou Ijans yo ofri direksyon, kowòdonasyon ak soutyen pou anpeche, pwoteje kont, prepare pou, reponn a, rekipere apre, epi diminye katastwòf ak lòt ijans. Pou w jwenn plis enfòmasyon, vizite DHSES sou [Facebook](#), sou [Twitter](#) oswa vizite dhses.ny.gov.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)